



Broj: 07-07-20-29456/25
Sarajevo, 26.05.2025. godine

Na osnovu člana 70. Zakona o organizaciji organa uprave u Federaciji BiH („Službene novine Federacije BiH“, broj 35/05), člana 124. Zakona o veterinarstvu Federacije BiH („Službene novine Kantona Federacije BiH“, broj 46/00) i Odluke Vlade Kantona Sarajevo o usvajanju Programa utroška sredstava prikupljenih od naknada za obavljene veterinarsko zdravstvene preglede i kontrolu, namjenjenih za provođenje mjera zdravstvene zaštite životinja i sigurnosti hrane na području Kantona Sarajevo za 2025. godinu broj: 02-04-20294-26/25 od 08.05.2025. godine, Ministarstvo privrede Kantona Sarajevo objavljuje

JAVNI POZIV

za dodjelu sredstava veterinarskim organizacijama iz Budžeta Kantona Sarajevo za 2025. godinu sa pozicije Ministarstva privrede za provođenje mjera sterilizacije/kastracije i veterinarsko zdravstvene zaštite pasa lutilica (vakcinacija, antiparazitarni tretman i identifikacija)

1. Predmet Javnog poziva

Dodjela finansijskih sredstava veterinarskim organizacijama iz Budžeta Kantona Sarajevo za 2025. godinu sa pozicije Ministarstva privrede radi podmirenje troškova za provođenje mjera sterilizacije/kastracije i veterinarsko zdravstvene zaštite pasa lutilica (vakcinacija, antiparazitarni tretman i identifikacija).

Ukupan iznos sredstava predviđen za dodjelu po ovom javnom pozivu iznosi 161.300,00 KM.

2. Pravo učešća na Javnom pozivu

Pravo učešća po ovom javnom pozivu imaju veterinarske organizacije koje ispunjavaju uslove Javnog poziva.

3. Uslovi za veterinarske organizacije

Veterinarske organizacije moraju ispunjavati slijedeće uslove:

- da je u sudskom registru registrovana za obavljanje veterinarske djelatnosti;
- da ima sjedište i obavlja djelatnost na području Kantona Sarajevo i ispunjava uslove propisane Pravilnikom o uslovima za osnivanje i obavljanje veterinarske djelatnosti i načinu dodjele područja djelovanja („Službene novine Federacije BiH“, br. 6/16 i 40/16);
- da u krivičnom postupku nije osuđena pravosnažnom sudskom presudom za krivična djela organiziranog kriminala, korupciju, prevaru ili pranje novca;

- da je izmirila porezne obaveze i obaveze u vezi s plaćanjem penzionog i invalidskog osiguranja i zdravstvenog osiguranja u 2024. godini.

4. Potrebna dokumentacija:

Veterinarske organizacije su uz prijavu, dužne dostaviti slijedeću dokumentaciju:

- a) aktuelni izvod iz sudskog registra, ne stariji više od 3 mjeseca od dana podnošenja prijave;
- b) važeće rješenje Ministarstva privrede Kantona Sarajevo o ispunjavanju uslova za osnivanje i obavljanje veterinarske djelatnosti;
- c) licence za najmanje dva zaposlena veterinara;
- d) diplomu/uvjerenje za najmanje jednog zaposlenog veterinarskog tehničara;
- e) Listu osiguranih lica za obveznika izdatu od Porezne uprave Federacije BIH, ne stariju više od 3 mjeseca od dana podnošenja prijave;
- f) Spisak zaposlenih radnika izdat od Federalnog zavoda za penzijsko/irovinsko i invalidsko osiguranje, ne stariji više od 3 mjeseca od dana podnošenja prijave;
- g) Uvjerenje nadležnog suda da veterinarskoj organizaciji u krivičnom postupku nije izrečena pravosnažna presuda kojom je osuđena za krivično djelo učešća u kriminalnoj organizaciji, za korupciju, prevaru ili pranje novca, ne starije više od 3 mjeseca od dana podnošenja prijave;
- h) Uvjerenje o urednom izmirenju direktnih poreza, doprinosa za penziono i invalidsko osiguranje i doprinosa za zdravstveno osiguranje izdato od Porezne uprave Federacije BIH, ne starije više od 3 mjeseca od dana podnošenja prijave;
- i) Uvjerenje o urednom izmirenju indirektnih poreza, izdato od Uprave za indirektno-neizravno oporezivanje, ne starije više od 3 mjeseca od dana podnošenja prijave (ukoliko je u sistemu PDV-a u skladu sa Zakonom o porezu na dodanu vrijednost, a ako nije u sistemu PDV-a uvjerenje/potvrdu izdato od Uprave za indirektno-neizravno oporezivanje da nije u sistemu PDV-a).

Dokumenti se prilažu u originalu ili ovjerenom kopiji.

5. Rok za podnošenje prijave i način podnošenja prijave:

Rok za dostavu prijave sa potrebnom dokumentacijom, po ovom javnom pozivu je 15 dana od dana objavljivanja Javnog poziva u dnevnim novinama i na web stranici Ministarstva privrede Kantona Sarajevo <http://mp.ks.gov.ba>

Prijave na Javni poziv sa potrebnom dokumentacijom podnose se isključivo na centralni protokol Kantona Sarajevo, u zatvorenoj koverti, sa naznakom:

**Kanton Sarajevo
Ministarstvo privrede
Reisa Džemaludina Čauševića 1
71 000 Sarajevo**

***“Prijava po Javnom pozivu za dodjelu sredstava veterinarskim organizacijama za provođenje mjera sterilizacije/kastracije i veterinarsko zdravstvene zaštite pasa litalica”
- NE OTVARATI -***

Napomena: kontakt telefon za dodatne informacije je 033 562 282 ili neposredno u prostorijama Ministarstva privrede, Reisa Džemaludina Čauševića 1, Sarajevo, III sprat, soba 323.

MINISTAR

Zlatko Mijatović